

Wolof - Dëfél Mbind - Comfort Scriptures

2 Korent 1:2-4 Na leen Yàlla sunu Baay ak Boroom bi Yeesu Kirist may yiw ak jàmm. 3 Cant ñeel na Yàlla, Baayu sunu boroom Yeesu Kirist, di Baay biy Aji Yérmande tey Boroom lépp luy dëfél xol yi. 4 Mooy dëfél sunu xol ci sunu tiis yépp, ngir nun ci sunu bopp nu man a dëfél xolu ñépp ñi nekk ci tiis, di leen sédd ci noflaay, bi Yàlla def ci sunu xol.

Kàddu yu Xelu - Misaal 15:13 Xol bu sedd, kanam gu leer; xolbu tiis, boroom ne yogg.

1 Kilifa - 1 Buur ya 8:66 Ba bés ba délsiwaatee, Suleymaan yiwi mbooloo ma, ñu taggtook moom, ba nop pi ñibbi seeni kér, boole mbégte ak bànnexu xol ndax mboolem lu baax I i Aji Sax ji defal Daawuda jaamam ba, defal ko Israyil, mbooloom.

Kàddu yu Xelu - Misaal 12:25 Njàqare day jeexal xolu boroom, wax ju neex di tooyal xolam.

Kàddu yu Xelu - Misaal 13:12 Yaakaar ju tas day jeexal xol, aajo ju faju di suuxat bakkan.

1 Samwil - 1 Samiyel 1:8,10 Elkana jékkér ja di ko wax ne ko: «Aana, looy jooy, ak lu la tee lekk? Lu la tax ne yogg nii? Dama laa gënälul fukki doom yu góor, man?» 10 Aanaa nga ca naqaru xol wu réy, di jooy, tey ñaan ci Aji Sax ji.

Sabóor 25:16,17 Ngalla geesu ma, baaxe ma, maa wéet, néew doole, 17 sama xol feesey xalaat. Rikk, teggil ma njàqare!

Sabóor 32:7 Yaw laay làqoo, nga di ma aar ciw ay, may ma ñu ma yéew, di ko bége. Selaw.

Sabóor 34:18(19) Sa yaakaar tas, Aji Sax ji jege la, sa xol jeex, Aji Sax ji wallu la.

Sabóor 38:8(9) Sama yaram dee goyy, ma ne lasar, jàq, di binni.

Sabóor 40:3 Moo ma may, ma fent, woy wu ma woye sunu Yàlla. Ñu baree seede, di wormaal ak a dénku ci Aji Sax ji.

Sabóor 42:11(12) Moo man, lu may yoggaaral nii? Lu may jàq? Naa yaakaar Yàlla, ba dellu sante sama Yàlla wallam.

Sabóor 50:15 di ma woo bésüb njàqare, ma wallu la, nga màggal ma.»

Sabóor 55:4(5) Sama fit a ngi rëcc, di tëf-tëfi; tiitaangey ndee ne ma taral.

Sabóor 61:2,3(3,4) Àll laa lay wooye, sama xol jeex; yéege ma doju rawtu wu ma jotul. 3(4) Yaw laa làqoo, ngay tata ju dëgér, fegal ma noon.

Sabóor 62:8(9) Bokk yi, wóoluleen ko fu ngeen toll, diisleen ko seen xol, Yàllaay sunu kiiraay. Selaw.

Sabóor 73:26 Kàttan ak pexe jeex, Yàlla di ma dooleel, ma séddoo ko fàww.

Sabóor 77:2,3(3,4) Bëccëg, ma jàq, sàkku Boroom bi; guddi, ma tàllal loxo, toqiwuma. Sama xol tëë sedd. 3(4) Ma bàyyi Yàlla xel, binni, xalaat, xol jeex.

Sabóor 85:6(7) Xanaa dinga leqli sa mbooloo, ba ñu man laa bànnexoo?

Sabóor 86:11 Éy Aji Sax ji, won ma sa nammeel, ma doxe sa worma. Tënkal sama xol ci ragal la.

Sabóor 109:22 Damaa néewle te sonn, sama xol dagg, ba jeex tàkk.

Sabóor 112:7,8 Du ragal dég-dég bu tiis, xel ma day dal, mu wóolu Aji Sax ji, 8 fit wa toog, du ragal, ba kera muy gis noonam jóoru.

Sabóor 119:111 Maa séddoo fàww sa kàdduy seede, loolooy seral sama xol.

Sabóor 128:2 Yaay lekk saw ñaq, mbégtéek ngëneel ñeel la.

Sabóor 138:7 Ma wéye njàqare, nga musal ma, dogalee sa loxo merum noon, walloo ma sa ndijoor.

Sabóor 143:4 Sama doole jeex tàkk, sama xol jeex, ma ne yàcc.

Sabóor 147:3 di faj naqaru xol, fajtal góomi boroom.

Kàddu yu Xelu - Misaal 14:30 Xel mu dal, yaram wu naat; fiiraange semmal boroom.

Kàdduy Waare 1:13 Damaa dogu ne damay gëstu, teg ko ci xel mu rafet, di settantal mboolem lu nit def fu jant bi tiim. Ndaw sas wu tiis wu Yàlla sase, ñu war koo sasoo!

Kàdduy Waare 2:10 Lépp lu saay gët xemmemaa, xañuma ko sama xol. Bañaluma sama bopp benn bànnex, xanaa di bége lu ma liggéey, yooloo ko la ma liggéey.

Kàdduy Waare 2:22,23 Ma ne ana lu nit di jariñoo ci doñ-doñ ak xalaatu xol, yi muy doñ-doñaale fi kaw dun bi? 23 Ndegam day yendoo tiis ak naqaru tès-tès, ba far fanaanoo xel mu dalul. Loolu it, còolóoli neen.

Kàdduy Waare 11:10 Félal naqaru xol, dàq woppi yaram; waaye ndaw ak kawar gu ñuul, còolóoli neen.

Yowaana 14:1 Buleen jàq. Gëmleen Yàlla te gëm ma.

Yowaana 14:27 Jàmm laa leen bàyyeel, sama jàmm laa leen jox, jàmm ju àddina ménul a joxe. Buleen jàq, buleen tiit.

Yowaana 16:6 Seen xol dafa jeex ndax li ma leen wax.

Yowaana 16:20,22 Ci dëgg-dëgg maa ngi leen koy wax, dingeen jooy xàcc, waaye àddina dina bég; dingeen jàq, waaye seen njàqare dina soppaliku bànnex. 22 Noonu nag ngeen di jàqe, yéen itam. Waaye dinaa leen gisaat, seeni xol sedd, te seen mbég moomu, kenn du ko man a dindi.

Jëfi Ndaw ya Kirist Yónni 2:46 Te bés bu nekk ñu saxoo teew ak benn xalaat ca kér Yàlla ga, tey damm mburu ca kér ya; ñuy lekk seen ñam ak xol bu laab tey bég,

Room 9:2 Maanaam, duma noppee am naqar wu réy ci sama biir xol,

2 Korent 2:4 Ci biir tiis ak xol bu jeex laa leen bind, samay bët taa ak ay rangooñ. Binduma leen ngir teg leen naqar, waaye ngir ngeen xam xóotaayu mbëggeel gi ma am ci yéen.

Efes 5:19 di waxante ci seen biir ci ay taalifi Sabóor, ci ay woy ak ay cant yu tukkee ci Xelum Yàlla, di woy ak a kañ Boroom bi ci seeni xol.

Filib 4:4 Deeleen bég ci Boroom bi; maa ngi koy waxati: bëgleen!

Saag 5:13 Su amee ci yéen ku nekk ci tiis, na ñaan ci Yàlla. Ku nekk ci mbég, na sant Yàlla ciy woy.